

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK
Služba za upravljanje lokalnim razvojem
Savjet za ekonomski razvoj Grada Bihaća
Bihać, 12.12.2017.godine

SAVJET ZA EKONOMSKI RAZVOJ GRADA BIHAĆA

Zapisnik sa

X sjednice Savjeta za ekonomski razvoj Grada Bihaća

Na X sjednici Savjeta za Ekonomski razvoj, održanoj dana 12.12.2017.godine u Gradskoj upravi Bihać - Sala za vjenčanje /prizemlje/ s početkom u 13,00 sati. raspravljalo se o Nacrtu Budžeta Grada Bihaća kao i o Planu implementacije Strategije 2018-2020. koji treba da ide na usvajanje na sljedećoj sjednici Gradskog vijeća Bihać

Dnevni red sastanka:

1. Nacrt Budžeta Grada Bihaća za 2018.g.
2. Plan implementacije Strategije 2018-2020. i godišnji Plan implementacije za 2018.g.

Prisutni na sastanku:

1. Smail Nuhić – d.o.o. Euroing, Predsjedavajući Savjeta
2. Nijaz Lipovača , Načelnik Službe – LER i koordinator rada Savjeta
3. Jasmina Ćoralić, Služba za budžet i trezor
4. Jasmin Stambolija, Služba za komunalne djelatnosti
5. Enes Ružnić, Privredna komora USK
6. Enes Arapović, Obrtnička komora USK
7. Emir Pjanić, GTO d.o.o. – član Savjeta
8. Amir Behić, Sanny boy d.o.o. – član Savjeta
9. Himzo Mulahalilović, Ministarstvo privrede USK
10. Ljubomir Samardžija, UG Čovjek i prirodni resursi
11. Ines Džaferović, Kostelski buk d.o.o. – član Savjeta
12. Mirela Alijagić, Služba za LER
13. Fikret Džaferagić, Služba za LER
14. Damir Ruždijić, Tehnički sekretar Savjeta

Sastanak otvara Predsjedavajući Savjeta gosp. Smail Nuhić i najavljuje dvije tačke dnevnog reda.

- Gđa Jasmina Čoralić, u skladu s 1. Tačkom dnevnog reda, predstavlja Nacrt Budžeta Grada Bihaća, pojašnjavajući detalje i odgovarajući na pitanja prisutnih
- Emir Pjanić, GTO d.o.o.
Smatra da bi se trebala smanjiti sredstva u budžetu za financiranje rada JU Stanouprava Grada Bihaća, kao i reformisati samu Stanoupravu iz razloga što sa velikim broje nepotrebnih zaposlenika i stvaraju samo gubitke za Grad a vrše poslove koje bi trebale ili već rade privatne kompanije za održavanje stambenih objekata, sa mnogo manje sredstava ali puno profesionalnije i efikasnije.
Odnosno da JU stanouprava mora da počne da radi i djeluje na tržišnom principu i tako dokaže svoje kapacitete i isplativost.
- Predstavници uprave mu odgovaraju da je rad JU Stanouprava definisan zakonom i Statutom grada, i da je Gradonačelnik i Gradsko vijeće adresa gdje bi se mogli tražiti odgovori na ova pitanja.
- Amir Behić, d.o.o. Sanny Boy
Izražava svoje nezadovoljstvo što njegova a i druge kompanije koje kroz velike namete i takse doprinose razvoju Federacije i pune federalni budžet, a da im se kroz apliciranje za određena finansijska sredstva te pare uopšte ne vrećaju i bivaju stalno odbijani na svim javnim pozivima od strane ministarstava i fondova. Smatra da se hitno mora uputiti inicijativa višim nivoima vlasti, da sredstva koja privatne kompanije kroz namete ubrizgavaju u federalni budžet, obavezno moraju biti vraćena kompanijama na bilo koji način kroz poticaje i razvojne projekte od strane viših nivoa.
- Gđa Mirela Alijagić, ispred Službe za LER u skladu sa Tačkom 2. Dnevnog reda Sjednice, prezentira priuštanim učesnicima Plan implementacije strateških projekata i programa za period 2018-2020, sa osvrtom na finansijsku projekciju za naredne tri godine. Na ovaj način je otvorena diskusija o važnim projektima značajnim za razvoj grada Bihaća.
- Gosp. Himzo Mulahalilović,
se osvrće na temu ukupnog poboljšanja poslovne klime u gradu Bihaću, i navodi probleme sa kojima se suočavaju poslovne zone u Gradu Bihaću, što je otvorilo raspravu o značaju koje poslovne zone imaju za investitore, i koji su to koraci koji se trebaju poduzeti da bi poslovne zone zaživjele punim kapacitetom.
- Gosp. Smail Nuhić navodi gorući problem koji se odražava na sveukupnu privrednu klimu u gradu Bihaću, a to je nezapamćen odlazak mladih, radno sposobnih i stručnih kadrova iz Bihaća i USK. Traži zakazivanje posebne sjednice Savjeta na tu temu.

- Takođe, svi prisutni predstavnici privrednog sektora su složno iznjeli za njih ogroman problem sa kojim se redovno susreću u toku svog poslovanja, a to je inertnost i tromost administracije Grada Bihaća što se tiče izdavanja dozvola koje su jednom privredniku potrebne kako bi mogao da počne sa izgradnjom novih kapaciteta za širenje svoje djelatnosti (građevinske/urbanističke/upotrebne dozvole), te traže da se takođe i na ovu temu organizuje jedna posebna tematska sjednica, koja bi okupila sve relevantne osobe koje bi mogle iznaći rješenje za ovaj problem.

Zaključci sa X sjednice Savjeta:

1. Uputiti inicijativu višim nivoima vlasti da se sredstva od naknada kojim privatne kompanije sa područja grada Bihaća pune federalni budžet, na neki način vrate tim kompanijama kroz programe podrške i poticaja sa Federalnog nivoa.
2. Revidirati sredstva u budžetu namjenjena za rad JU Stanouprave i zaustaviti praksu dupliranja poslova na polju održavanja stambenih objekata sa privatnim kompanijama.
3. Zakazati tematsku sjednicu i pozvati sve relevantne institucije na kojoj bi se tražila rješenja za problem odlaska mladih i stručnih kadrova sa područja Grada Bihaća.
4. U narednom periodu zakazati takođe sjednicu Savjeta za ekonomski razvoj, na kojoj bi se tražila rješenja, poduzeli konkretni koraci i uklonile prepreke vezane za razvoj turizma i turističke ponude na teritoriji grada Bihaća.
5. Zakazati tematsku sjednicu vezanu za prisutnu problematiku inertnosti administracije kad je u pitanju izdavanje dozvola za građenje i ostalih dozvola koje se direktno reflektuju na rad privrednog sektora u Gradu Bihaću, i širenje njihovih kapaciteta.

Predsjednik Savjeta za ekonomski razvoj
Grada Bihaća
mr.sc. Smail Nuhić